

日』。按據通鑑玄宗天寶三年改年爲載，肅宗乾元元年復以載爲年，（通鑑卷二百十五、二百二十、）此紙稱十二載，當爲天寶十二載（公元七五三）所寫也。

（一一）伊吾軍屯田殘籍 圖版三三—三四、圖34—35

此殘紙出吐魯番哈拉和卓舊城中。高一五·一厘米，長二六·一厘米。起『口遠』訖『役屯』。上有『伊吾軍之印』朱篆文方印。蓋爲伊吾軍屯田冊籍，惜殘缺甚多。原文云：

口遠：界……五十畝種豆一十二……檢校健兒焦思順……三畝種豆廿畝種麥檢校健兒成公洪福……田口水澆溉……軍界……畝昔落烽地五畝近屯……都羅兩烽共五畝……烽鋪近屯即役屯

此殘紙疑是伊吾軍屯田畝冊，所稱檢校焦思順、成公洪福皆屯田兵士。據元和郡縣志：『伊吾軍在州西北三百里、折羅漫山北甘露川』。（卷四十、十七）按折羅漫山、即哈密北之天山。伊州疑即今哈密西之三堡，現尚有土墩及舊城遺址。伊吾軍既在州西北三百里、以形勢計之，疑在今巴勒庫爾一帶。附近有小海子、名巴勒庫爾，地亦以此名。漢代名蒲類海。元和郡縣志云：『繞海名良田。漢將趙充國所屯也。俗名婆悉厥海』。（同上、）此一帶土地肥沃，故漢唐兩代均在此屯墾。據殘紙、種地有豆、有麥、又有苜蓿，文云：『昔落烽地五畝近屯』，『昔』當即『苜』之別體。唐岑參詩有『苜蓿烽邊逢立春』之句，是苜蓿烽爲一地名，蓋因種苜蓿而得名。

又一殘紙爲『朝請大夫使持節伊州諸軍事、守伊州刺史、兼伊吾軍……』下當有人名已殘。旁有年月日、現存『月十四日』等字，缺年號。新唐書地理志云：『伊州西北三百里甘露川有伊吾軍、景龍四年置』。（卷三十、頁十、）據此、是伊吾軍爲唐中宗景龍四年（公元七一〇年）置，伊州爲貞觀四年置。此殘紙稱『守伊州刺史、兼伊吾軍』，是伊吾軍屯田事、當亦由守伊州刺史兼理也。疑此紙與上屯田殘籍有關，或爲一紙被人截斷者，伊吾軍既爲景龍四年所設置，則此紙亦當在景